

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأمانة ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

من زمان مكتبناش حاجة للدكتور المطري تقريبا من ست شهور ،

ربنا ييسر ونفرغ موضوع ال Esophagus ،

النهاردا السبت 27 أبريل 2013

عندنا فيه مواضيع

ال Esophagus ، dysphagia ، cancer esophagus ، esophageal atresia ، Achalasia

العيال بتوع القصر العيني ، يا أولاد باعتين وفد عشان أروح أشتغل هناك ☺

العيال جداد ، فجايين يحضروا مراجعة العضم ،

وبعدين قاعدين يتفروا كده ، جم قالولي : على فكرة يا دكتور ، المناهج دي كبيرة أوووي ، هما بيأخدوا كل الحاجات دي !!

عايز القصر العيني عشان كده ، هأعملي قصة ، أروح مناهج سهلة

عندهم في العضم يا أولاد ، fracture clavicle ، ولا dislocation

عليهم supra condylar و colle's و fracture neck femur و Pott's

خمس fractures ☺ بس أدي المنهج عندهم

عندهم في ال Esophagus ،

يشرحوا فيه تلت موضوعات ، Achalasia of the cardia ، و cancer esophagus ، و dysphagia بس

ال Esophageal atresia

في الأطفال ، مش في الجراحة

إحنا بردو يا أولاد ، لما تيجوا تشوفوا الإمتحانات ، هتلاقوا هما دول الأسئلة اللي بتيجي

طيب ، إحنا بنذاكر الباقي ليه يا أولاد ???

عشان خاطر الدكتور اللي أقسم إنه يطهر العلم من الطلبة الحمير ، فاهمين ☺ يا أولاد

لكن ،

مفيش حد يا أولاد بيذاكر مثلاً post corrosive stricture

وهو مش مذاكر achalasia

دا كلب ☺

VISIT...

LANZAROTE
Caliente.COM

يعني البني آدم يا أولاد ،، what is important الأول
وبعد ما يذاكر what is the important ،، يخش إحتياطي على what is less important كل واحد ومستواه
فاهمين؟؟؟

Esophageal Atresia

هو ال Esophageal atresia أنا محترمها جداً؟؟؟

أه طبعاً ،، في ظل الظروف الراهنة ،، أنا شايف إن ال Esophageal atresia بسهولة أوووي تيجي written
والأسهل من كده تيجي حالة

ال esophageal atresia يا أولاد ،،

تيجي written ،،

والأسهل من كده تيجي حالة

يا أولاد ،،

لما حد أجى أقوله أنا مثلاً esophageal atresia

هنفكر دلوقتي في إيه؟؟؟

بفكر في ال associated anomalies

إياك تنساها علطول ،، تفكر في ال **VACTERL**

- **V**ertebral << spinal bifida
- **A**nal << imperforate anus
- **C**ardiac << Fallot tetralogy, VSD, ASD
- **T**racheal << Trache-esophageal fistula
- **E**sophagus << atresia
- **R**enal << polycystic kidney
- **L**imb << polydactyly

أنا بتكلم على ال esophageal atresia

ماشي هتكلم على الموضوع ،، لكن في دماغي ال VACTERL

إشمعنا؟؟؟

ال commonest cause of death << عادةً ال associated anomalies

ودا سؤال M.C.Q.

ال commonest cause of death << ال associated anomalies

ودا سؤال M.C.Q.

واضحة يا أولاد ؟؟؟ إن شاء الله

طيب ،،

لو حد جاله esophageal atresia بس ،، يموت بمين؟؟؟

من ال chest

يعني لو حد عنده esophageal atresia (isolated) ،، يموت من ال chest

إمّا لو حد عنده VACTREL هيموت بال other anomalies والكلمتين دول لازم يبقوا واضحين ، مفيش حد بيتكلم على ال esophageal atresia من غير VACTREL من غير ال associated anomalies دا هما دول الي بييموتوا العيان

إمّا لو واحد عنده isolated esophageal atresia يموت من ال chest << pneumonia

تاني كلمة نفكر فيها ، يعني إيه atresia؟؟؟ failure of recanalization

طيب ،

بتحصل ليه ؟؟؟

لأن فيه مشكلة في ال fusion بين ال gut والاستوموديوم

لما كان فيه مشكلة في ال fusion بين ال gut والبروكتوديوم ، اتكلمنا عن موضوع إيه ؟؟؟ imperforate anus ال

النهاردا ال esophageal atresia ففيه failure of fusion بين ال gut والأستوموديوم واضحة يا أولاد ولا لا ؟؟؟ هو دا ال atresia

تاني معلومة أشيلها في دماغي ،

إن ال esophagus وال trachea كانوا أنبوبة واحدة ، وانفصلوا

بصوا يا أولاد ،

ال trachea وال esophagus كانوا أنبوبة وادة وانفصلوا أي عيان عنده esophageal atresia ، عنده fistula نسبة قليلة أوووي الي عندهم isolated atresia فاهمين يا أولاد ؟؟

وليه كل esophageal atresia معاها fistula؟؟؟

لأن ال trachea وال esophagus في الأصل أنبوبة واحدة وبعدين يتقسموا إثنين فاللي هيجيله esophageal atresia هيجيله fistula

يعني موضوع ال esophageal atresia

- هو VACTREL
- وستوموديوم
- و trachea و esophagus أنبوبة واحدة

حتى fusion ما بين ال gut والاستوموديوم ، هو ذا ال يفسر ال atresia
حتى ال fistula تفسر بفهمك ، إن ال trachea وال esophagus في الأصل أنبوبة واحدة وبعدين انفصلوا

السؤال ال جي ،
طيب ، لو حد عنده esophageal atresia ،
أدي ال esophagus ، وأدي ال trachea
ال fistula بتكون فين ؟؟؟
تحت

بص على ال incidence
85 % ال fistula بتكون تحت

طبعاً يا أولاد ، إنتوا في موضوع ال incidence دلوقتي
مفيش حد فيكم يقدر يشوف incidence وميحفظوش

ممكن يا أولاد تلاقيكم مطلعين ال incidence في ورقة لوحدها
فاهمني ☺

بصوا يا أولاد ،
85 % من عيائين ال esophageal atresia
ال fistula بتكون تحت

يعني إيه 85 % ؟؟؟
يعني المرض كله بصراحة
والباقي كله rare
أنا بعد كده هتكلم في حاجات rare

خمسة وثمانين في المية من الحالات ال fistula تحت
طيب ، والباقي ؟؟
والله ممكن مفيش fistula خالص
ممكن rare << fistula فوق
ممكن rare << fistula فوق و fistula تحت
يعني العملية تبادل وتوافق

إنت مرة تحطها من غير fistula
مرة تحطها ب fistula فوق
مرة تحطها ب fistula تحت
مرة تحطها ب fistula فوق و fistula تحت
الكلام ده حلو أوووي بس متبصليش أنا ،
أنا يخصني إن 85 % ال fistula بتكون تحت
هي المواضع مش كلها زي بعض

خلاص ،،

الواد اتولد ،، مسكته ،، لقيته بيتف في وشك ،، اقلق

إنت هتعمل إيه ؟؟؟

هتكشف عليه

هتلاحظ إن الواد ماله ؟؟؟

عنده بطنه منفوخة ،،

تخبط عليها (طُنْ طُنْ طُنْ)

إيه البطن المنفوخة دي يا أولاد ؟؟؟

هواء ،، ال fistula

بتأخذ الهواء من ال trachea توديه (تبعته) لل stomach

عشان كده يا أولاد بطنه منفوخة و تبطل (طُنْ ،، طُنْ)

tympanic resonance

إنتوا عارفين يا أولاد لو تحت ،، ينزل sputum فيه bile و HCL

إشمعنا ؟؟؟

ما هو أصل ال fistula سكتين

تأخذ هواء على المعدة

وتأخذ bile و HCL على ال trachea

ال fistula دي هتموت الواد ،،

تخلوا يا أولاد bile و HCL في ال trachea

فاهمين يا أولاد ولا لا ؟؟

يعني عايزك تفهم إن ال fistula سكتين :

- تأخذ الهواء ترميه في المعدة
- وتأخذ ال bile و ال HCL ترميه على ال trachea

تاني يا أولاد ،،

يعني إيه esophageal atresia ؟؟؟

antenatal يعني إيه ؟؟؟

polyhydramnios

اتولد ،، بيتف عليك ،، فاهمني

عايز تتأكد ،، تفحصه ،،

تلاقي بطنه بتطبل ،، وبيكح sputum ب bile

عايز تتأكد أكثر ،،

خد أسطرة ودخلها من مناخيره (أنفه)

تلاقي الأسطرة مالها؟؟

وقفت

دلوقتي يا أولاد،، لو حد فيكم شك إن واد عنده esophageal atresia

فراح ماسك أسطرة وراح مدخلها

والأسطرة وقفت،، هيفكر إن عنده esophageal atresia فعلاً؟؟؟

لا،،

هيفكر إنك مش عارف تدخل الأسطرة

هو دا مستواك ☺

فهتعمل إيه؟؟؟

احقن صبغة gastrographin وصوره،، هتلاقي blind pouch

بص على ال investigations في الكتاب،،

الرسمه يا أولاد والدكتور بيدخل الأسطرة باينه،، والX-ray باينه

احقن يا أولاد gastrographin ولا lipidol؟؟؟

احقن gastrographin أمن

ال gastrographin ولا barium؟؟؟

طبعاً اللي بيحقن باريوم دا كلب ☺،، ال barium دا يهري

trachea ال

فاهمني يا أولاد

بحقن gastrographin وأصور

طيب،،

مين جدع يقولي : إيه الشجرة اللي في ال X-ray دي؟؟؟

trachea ال

طيب،،

وإيه اللي دخل الصبغة ال trachea؟؟؟

al fistula

طيب،،

مش ال common يا أولاد،، إني ألاقي fistula فوق؟؟؟

لا،، ال common إن ال fistula تحت


مش فوق

أومال إيه اللي دخل الصبغة ال trachea؟؟؟

طفحت،، ودا يفهمك الواد بيموت ليه

مش عارف يبلع ريقه،، يطفح،، ال saliva بتنزل تملأ ال lung

لو أديته لبن،، اللبن هيملاً الرئة،، والعيان يجيله إيه؟؟؟ لينيتس ☺ أنا مبسوط منكم ☺



فاهمني يا أولاد «

يعني ال X-ray دي تفهمك ال cause of death
لأن ال gastrographin طفح « وراح نازل ال trachea
فأنت فهمت من ال X-ray دا علطول « الواد دا هيموت إزاي
واضحة يا أولاد؟؟ إن شاء الله واضحة

طيب «

افرضوا يا أولاد «، إنت شخصت إن الواد ده عنده esophageal atresia

لعلكم يا أولاد «، علاجه urgent

ليه urgent؟؟؟ ليه علاجه urgent علطول؟؟؟

قبل ما يرضع «

وقبل ما يبلع ريقه إن أمكن

ليه يا أولاد؟؟؟

أنا هفتح ال chest «

ينفع يعني أفتح ال chest لعيان عنده pneumonia!!!!

إنتوا عارفين أعراض الإلتهاب :

- pain
- swelling
- loss of function

عارف يعني إيه pneumonia في طفل؟؟؟

يموت

ال pneumonia في طفل دي حاجة خطر جداً «، هتستنى لما يجيله pneumonia
وتقوم فاتح صدره «، عشان ال lung يحصلها collapse
هتبقا منيلة «، و collapsed

الواد ده علاجه urgent «، دلوقتي

قبل ال pneumonia

تقوم فاتح صدره عامله thoracotomy

وقطع الحتة اللي فيها ال fistula «، واللي فيها atresia وتخيّط

فاهمين يا أولاد؟؟

طبعا يا أولاد العيان ده لو لحقناه بدري «،

عارفين لو جاله pneumonia

زيلوكين هنا «، وزيلوكين هنا

إيه الزيلوكين دا ☺؟؟؟

مخدرات موضعية ☺

أوعى تبجعه «، وإنت بتبجعه «، بتديله شهادة الوفاة

بالزيلوكين كده يا أولاد ، ونقوم خارمين المعدة ، حاطين أنبوبة يأكل منها
اسمها **gastrotomy**

وأخرم ال esophagus بالزيلوكين ،
عشان نطلع ال saliva على بره

عارفين ليه يا أولاد بنطلع ال saliva على بره ؟؟؟
عشان ال saliva تنزل ، يبقى هنا clear
عارفين فكرة الحوض الطافح ، اكسر الكوع ، المية تنزل

أنا كسرت الكوع هنا ، تقوم ال saliva تطلع تطلع تطلع ، يقوم ال pharynx يبقى clear
يقوم العيان يأخذ نفسه ،

إنتوا عارفين أول ما العيان بنعمله esophagotomy و gastrotomy
أول حاجة ، هتسمعه بيعيط
خلاص بقا
شد نفس وجعلك

شايفين يا أولاد الصوت الجديد ،
عشان كده يا أولاد العيل الصغار الي مبيجعرش ده ، دا يقلق
دا عنده مشكلة في ال chest
العيل لازم يجع
مجعرش < يبقى السكة مش روضة كده ☺
فاهمين يا أولاد ؟؟

طيب ، وليه الأنبوبة اللي في بطنه دي ؟؟؟
يأكل منها

وبعدين ، بعد ما يكبر شوية كده ، ويبقا عريس
افتحه بقا ، افتح صدره ، ال pneumonia راحت والواد كبر
وأحطله حنة colon أو حنة intestine (jejunum)

ممکن تیجی حالة ؟؟؟
أه ، تیجی بصراحة
أصل بصراحة ربنا ، لو طلبت من الطالب كده وسألته وقولتله : discuss esophageal atresia
ممکن یسمع لیا حبة
إنما الحالة فیها میزة ،

یعنی یجی یقولك :
طفل لسه مولود ، عنده **excessive salivation**
وبعدين **tachypnea** ،

??? what is your diagnosis

« esophageal atresia طبعاً هحط ال
وطبعاً أحط pneumonia
ال Neonatal pneumonia
أو defect في ال surfactant
أصل عنده tachypnea

« لكن

excessive salivation « توديني على ال esophageal atresia أول احتمال

الواد عنده tachypnea «
منكرش إنها ممكن تكون neonatal pneumonia
مشكلة في ال surfactant

بس ال excessive salivation
تحط ال esophageal atresia أول احتمال

عايز تتأكد « تعمل إيه ???

تقوله : أتأكد clinically « ألقى بطن الواد distended
وال sputum بتاع الكحة فيه bile

وبعدين أتأكد instrumental
أدخل أسطرة « ألقاها وقفت

أحقن gastrographin « ألقى blind bowel
فاهمين يا أولاد ؟؟

وبعد كده ندخل في ال treatment
يعني هي تيجي حالة طبعاً

Diaphragmatic hernia

هو فيه فرق يا أولاد بين ال Diaphragmatic hernia وال Hiatus hernia ??? فيه فرق ؟؟
أه «

ال Hiatus hernia << نوع من ال diaphragmatic hernia

ال hiatus hernia يا أولاد «
نوع من ال diaphragmatic hernia

نوع يمثل أد إيه يا ولد من ال diaphragmatic hernia ???
99 %

عشان كده تلاقي الطالب اللي هو الحنكوش ☺ اللي مستواه ضعيف دا
 يعرفش يفرق بين ال hiatus hernia وال diaphragmatic hernia
 هتلاقيه كل ما يسمع عن diaphragmatic hernia ،، يسمعا كده hiatus

diaphragmatic hernia 99 % من ال

hiatus بتكون

يعني إحنا دلوقتي بنهوبص في كام في المية يا أولاد ???

1 %

بس أنا هقولكم حاجة ،،

إحنا عايزين طلبة مبتنشلش

إيه الطالب اللي داخل يبص في ال esophagus على cancer esophagus

و achalasia والأمراض الموجودة اللي في السوق دي

إحنا عايزين أمراض محدش بيشوفها ☺

ودي من ضمنهم ☺ أنا شايف إنها حاجة جميلة

يعني مثلاً ،،

Hernia of Bochdalek

ال Hernia of Bochdalek دي يا أولاد ،، عشان الطالب يذاكرها يفكر إزاي ???

إن ال peritoneum وال pleura في الأصل sac واحدة

مين فيكم يا أولاد ميعرفش إن ال pleura وال peritoneum في الأصل عبارة عن sac واحدة ???

وبعدين بيحصل بينهم membrane

إسمه إيه ال membrane دا ???

pleuro-peritoneal membrane

اللي هو هيبقا diaphragm بعد كده

يعني يا أولاد البلورا والبريتون دي sac واحدة ،،

وبعدين يظهر بينهم membrane ،، اسمه pleuro-peritoneal membrane

اللي هو هيبقا ال diaphragm بعد كده

يقولك : لو فيه defect في ال pleuro-peritoneal membrane (أو ال diaphragm)

يطلع الممبار من البطن لل chest

أنا عايز أعرف يا أولاد ،،

هو الطالب اللي جايب 99 % في الثانوية العامة

فيه مشكلة إني أقوله إن ال pleura وال peritoneum دول sac واحدة !!!

إيه المشكلة إني أقوله ال membrane بينهم اسمه pleuro-peritoneal membrane

ولو فيه defect << الممبار يطلع من البطن لل chest

خلاص ،،

أنا مش عايز حاجة ثانية

هو الممبار لو طلع من البطن لل chest

دا يضغط على إيه ؟؟؟

ال Lung

يعمل للواد إيه ؟؟؟

dyspnea

والممبار اللي كان في البطن طلع ،، فيعمل scaphoid abdomen

أدي ال diaphragmatic hernia

كلمتين

أي neonates مولود ب respiratory distress

و scaphoid abdomen ،، دا diaphragmatic hernia << till proved otherwise

أي طفل صغير مولود ب respiratory distress و scaphoid abdomen

considered diaphragmatic hernia till proved otherwise

أنا مش عايز على الموضوع ده إلا كده يا أولاد

عايز الطالب يحفظ عن ال Hernia of Bochdalek الكلام ده

إن ال Pleura وال peritoneum دول في الأصل sac واحدة

ال Membrane اللي ما بينهم

اسمه pleuro-peritoneal membrane

ضعف ،، يقوم الممبار يطلع من البطن على ال chest

طلع ال chest << dyspnea

الممبار (ال intestine) ساب البطن << scaphoid abdomen

إجمع ال data على بعض

diaphragmatic hernia till proved otherwise = scaphoid abdomen + dyspnea

لعلكم ،،

لو جابلكم في الإمتحان حالة زي دي ،، neonates مولود ب respiratory distress

(فيه طلبه مستنية إنه يريل ،، بس الطفل ده بقا طلع مبريلش)

طيب ،،

وبعدين ؟؟؟

scaphoid abdomen

فأنت مش هتأخذ بالك ،، إيه ال respiratory distress و scaphoid abdomen دي !!!

ويقولك : لما تحط السماعة على ال chest سمعت abnormal sound

إيه ال abnormal sounds دي ؟؟؟

ال intestinal sounds

هتعملوله investigations إيه الواد ده ؟؟؟

X-ray

X-ray على إيه ؟؟؟

chest

تقوم تلاقي إيه ؟؟؟

الغازات بتاعت ال intestine فوق

ولو شربته gastrographin

تلاقي ال gastrographin طلع في ال chest فووو

بس أنا هقولكم حاجة ،،

لا حد هيعمل للعيال chest X-ray ،، ولا ال gastrographin

إلا في حالة واحدة ،،

لما يعرف إنها diaphragmatic hernia ☹

لما تعرف إنها diaphragmatic hernia ،، هتطلبه chest X-ray و gastrographin

فيه سؤال ،،

إنت ناوي تعرف إنها diaphragmatic hernia clinically إزاي ؟؟؟

dyspnea و scaphoid abdomen

تاهوا منك ☹ ،، الحالة كل عام وأنتم بخير

كل الكلام الي إنت قارئه ،، اعمله مركب ،، ميفرقش معانا

هما الكلمتين يا أولاد ،،

• dyspnea

• و scaphoid abdomen

واضحة ؟؟ إن شاء الله

طيب ،،

هو علاجه إيه ؟؟؟

هفتح بطنه ،، وأرجع ال intestine ،، وأقفل ال defect

حاجة سهلة أوووي

بس بنحط الواد على ventilator

مينفesh mask oxygen

على ventilator لأن ال surfactant بتاعته بتبقا وحشة

يا أولاد ،، فيه نوع ثاني من ال diaphragmatic hernia

congenital برود

تسمعون عن ال internal mammary artery ???

ال internal mammary artery دا يا أولاد ،، بييقا ماشي على ال chest wall من جوا ولا من بره ???

من جوا

بأمانة إيه ???

internal

بيدي إيه ???

breast

بأمانة إيه ???

mammary

بيجي منين ???

subclavian artery من ال

من أنهي جزء ???

first part of subclavian artery من ال

طيب ،،

الكلام ده عايزكم تعرفوه ???

نفسى ☺ ،، دا أنا نفسي تبقوا عارفين كل حاجة

بس للأسف هيجيلك الشوجر ☺

كبر دماغك

يعني إنت لو جالك عاهة مستديمة أو حاجة في وسط العملية التعليمية

إيه هيفرق معاك إنت عارف المعلومة دي ☺

بصوا يا أولاد ،،

internal mammary artery فيه اسمه

بيمشي على ال chest wall من جوا

breast بيدي

ال internal mammary artery دا يا أولاد ،،

superior epigastric artery اسمه << بيخش ال rectus sheath

فهو وهو نازل من ال chest لل abdomen يقوم خرم ال diaphragm

خرم على أده بالظبط

ساعات بقا الخرم ده بيقا واسع شوية ،،

يقوم مع الحزق وأعداء الحياة ،، تبدأ ال intestine ساعات تطلع من الخرم ده

يقولوا عليها Hernia of Morgagni

Hernia of Morgagni

هي إيه ال hernia of Morgagni دي يا أولاد ؟؟ هو إيه اللي واسع ???

الخرم بتاع إيه ???

Internal mammary artery ال

وإنت حزقت شوية ، قامت ال intestine عدت من ال abdomen لل chest
إيه رأيكم ، لو ال intestine طلعت من ال abdomen لل chest

تضغط على إيه ؟؟؟

على ال lung

تقوم تعمل إيه ؟؟؟

dyspnea

والبطن يبقا scaphoid abdomen

بس نخلي بالننا من فرق ،

فرق يا أولاد ،

• ال Bochdalek << في neonates

• ال Morgagni << تظهر في ال adulthood

ال Bochdalek دي hernia of neonates

ال Morgagni تظهر في ال adulthood ، محتاجة وقت على بال ما الفتحة توسع

الفرق واضح يا أولاد ؟؟ إن شاء الله

ال Hernia of Bochdalek في neonates

ال hernia of Morgagni تظهر في ال adulthood

فيه نوع يا أولاد من ال diaphragmatic hernia

Eventration of diaphragm إسمه

ده نوع روش كده ميعملش حاجة ، دا حته من ال diaphragm كده ضعيفة

بصوا ،

حته في ال diaphragm ضعيفة كده

ولعلمكم ، ممكن أي حد يبقا عنده ال Eventration of the diaphragm

هقولكم حاجة ،

عارفين الواد ده ☺ ، عنده eventration of the diaphragm

باين عليه حاجة ؟؟؟

لا ،

وهو قاعد بينا أهو ☺ ، أنا ببص على مناخيره دلوقتي ،

إسمعنا ؟؟؟

working ala nasi

ولسانه أد الفرقلة ، وقاعد كل يوم يرغي مع الواد اللي جنبه

ولا أي حاجة ، ولا باين عليه حاجة خالص

ال Eventration of the diaphragm دي يا أولاد

asymptomatic

نعالجها إزاي؟؟؟

وإنت مالك وماله ؟؟؟!!!

يعني بالله عليك ،، أنا أجي على واد زي ده ،،
أقوله إنت عندك حته في ال diaphragm ضعيفة شوية
أنا هفتح صدرك ☺ ،، وأخد غرز في الحجاب الحاجز
وبعدين أنفخلك الرئة ،،
هو هيبصلي على إن أنا إيه ؟؟؟
مجنون ☺

يقولك : بإيموشن مستغرب ☹

ما أنا عايش أهو وشغال

يعني ال eventration of diaphragm دي يا أولاد ،، asymptomatic

وعلاجها إيه ؟؟؟

conservative

مبتقربش منها إلا لو عامله symptoms

مش عامله symptoms ،، خلاص ملناش دعوة بيها
يعني يا حمادة بالبلدي كده
دع الفتنة نائمة ،، فاهمني

لما يكون فيه حاجة مش عامله مشاكل للعيان
ملكش دعوة بيها
فاهمني يا أولاد ؟؟

نخلي بالننا يا أولاد ،،

ال para esophageal hernia دي hiatus

ال congenital para esophageal hernia دي نوع من ال Hiatus hernia

يعني إيه Hiatus ؟؟؟

hiatus دي اللي هي فتحة ال esophagus في ال diaphragm

إنت إسمك إيه يا ولا ؟؟؟

هيثم

hiatus ،، ال هيثم

إيه ال hiatus دي يا هيثم ؟؟؟

فتحة ال esophagus في ال diaphragm

إسمها إيه يا أولاد ؟؟؟

hiatus

Hiatus hernia << para esophageal hernia نوع من ال

para esophageal hernia دي يا أولاد

Hiatus hernia نوع من ال

بصوا يا أولاد ،،

esophagus وداخل ال stomach

شوفوا فتحة ال esophagus هتوسع إزاي؟؟؟

المفروض الفتحة تكون على أد ال esophagus بالظبط

لعلكم ،،

العيان ده مولود كده ،، بس مش هييان عليه حاجة ،،

مع الحرق وأعداء الحياة ،،

تبدأ المعدة تخش جنب ال esophagus

وكأنها شبيهة ب Morgagni

لأن فتحة ال internal mammary artery واسعة

لكن ،،

مع الحرق وأعداء الحياة ،، الحاجة تطلع ،، it needs time to occur

ال para esophageal كده

هي congenital ،، الفتحة دي واسعة من زمان ،، هو مولود بيها واسعة

لكن ،،

محتاجة وقت ،، مع الحرق وأعداء الحياة ،، تبدأ ال intestine تطلع من ال abdomen لل chest

أحلى كلمتين هنا إيه؟؟؟

أول حاجة إن ال angle of Hiss سليمة

أنا طلبتي حافظة ال angle of Hiss صح كده ،،

حتى أنا محفظهم إن ال angle دي يسموها angle of Hiss ،،

دي من ضمن الحاجات اللي بتمنع ال reflux

ال angle of Hiss دي سليمة

يعني No reflux

أحلى حاجة نأخذ بالناس منها هنا يا أولاد ،،

إن ال angle of Hiss سليمة

يعني إيه؟؟؟

no reflux

هو الواد ده بيشتكي من إيه؟؟؟

يا أولاد ال intestine طلعت ال chest تضغط على إيه؟؟؟

على ال lung وتعمل dyspnea

ولو ال stomach طلعت في ال chest تضغط على إيه؟؟؟

لكن ،

اللي بيشتكي من dyspnea أو palpitation
تشخيصه صعب شوية يا أولاد ☹️

طبيب ، يا أولاد العيان ده عنده reflux ???

لا

ليه ???

لأن ال angle of Hiss سليمة

طبيب ،

نشخصه إزاي ???

شربه barium ، وحطه في ال Trendelenburg position

يعني إيه ترندلنبرج يا أولاد ???

يعني رأسه لتحت

طبيب ، أنا بحطه ليه يا أولاد في الوضع ده ???

عشان الصبغة تطلع تملأ ال fundus

تقوم تصبغه ،

هو دا يا أولاد اللي يقولوا عليه Barium meal في ال Trendelenburg position

واضحة يا أولاد ؟؟ إن شاء الله

علاجه طبعا ،

هفتح بطنه ، وأرجع ال stomach ، وأقفل

Acquired diaphragmatic hernia (sliding type)

بصوا يا أولاد ،

خلي بالكم acquired diaphragmatic hernia (sliding type)

دي ثاني نوع في ال Hiatus hernia

يعني ال Hiatus hernia :

- para esophageal
- sliding hernia

ال Hiatus hernia يا أولاد ،

para esophageal ، و sliding

بصوا يا أولاد ،

هشرح ال sliding type دلوقتي ،

إيه الفرق يا أولاد ، بين العيان ده والعيان ده ???

واخدين بالكم إن في ال sliding hernia مفيش angle of Hiss

يعني إيه مفيش angle of Hiss دي equal عندنا إيه؟؟؟

reflux

يعني ال hiatus hernia ،، ال sliding type دا << equal reflux خلاص كده
لأن مفيش angle of Hiss

على فكرة ،،

ال angle of Hiss دي يا أولاد ،، أو المنطقة بتاعت ال gastro-esophageal junction دي

اسمها بالمنظار ،، Z zone

دي يجيبوها في ال M.C.Q.

معقولة في ال M.C.Q.

يقولك : إن ال hiatus hernia ،، ال sliding type

there is no angle of Hiss

لا يقولك : ال Z line

disturbed •

not disturbed •

none of the above •

all of the above •

فاهمني؟؟

يعني أرخم حاجة تلاقي أدامك حاجة غريبة

ال gastro-esophageal junction يا أولاد ،، اسمها في المنظار Z zone

أو Z line

ال gastro-esophageal junction

اسمها بالمنظار Z line أو Z zone

بصوا يا أولاد ،،

طيب ،، إيه اللي يطلع المعدة فوق كده؟؟

حاجة من اتنين :

• يا ال esophagus قصير

• يا حاجة زقت المعدة لفوق

إيه أشهر حاجة تزق المعدة من البطن تطلعها فوق في ال chest؟؟؟ حاجة بتأخدوها يوم بعد يوم؟؟

النسا ،، pregnancy

تخلوا بتيجوا تأخدوها ومفيش فائدة ☺

النونة يا أولاد ،، تقوم زاقة المعدة مطلعها فوق ،، مطلعة بطن مامتها فوق

فاهمين يا أولاد؟؟؟

لغاية إيه؟؟؟

engagement

بعد ال engagement ،، النونة يسيب المعدة
والنونة ينزل على ال urinary bladder
واضحة يا أولاد

إنتوا عارفين ال pregnancy
ممکن يزق المعدة يطلعها فوق

إيه ثاني يا أولاد غير الحمل؟؟؟

التخن يا باشا ،، ربنا ما يوريكم ☹
إنتوا عارفين يا أولاد الإنسان لما بيتخن ،، بيحوش دهن في ال greater omentum

إيه ال greater omentum دا؟؟؟

منديل البطن

إنتوا عارفين يا أولاد ،، لما حد يكون تخين كده وتفتح بطنه
تلاقي ال greater omentum كله دهن كده
يقوم يزود ال intra abdominal pressure
يزق المعدة

المشكلة أكثر يا أولاد في الرجاله ولا في الستات؟؟؟

في الستات

ليه؟؟؟

الست مبتحبش تبان إنها تخينة
تقوم لابسة الكورسيه ،، فالكورسيه ده البدلة الضيقة زي بدلة الغطس

عشان كده يقولك ال Hiatus hernia دي إيه؟؟

Hiatus hernia ال

- دي يا pregnancy
- Obesity يا
- يا كورسيه
- يا إما esophagus قصير

الطالب يسأل سؤال بقا ،،

إيه اللي قصر ال Esophagus فطلع المعدة؟؟؟

يقولك : إحنا هنفترض إن الموضوع بدأ بال reflux

مش بدأ ب hiatus hernia ،، بدأ ب reflux

فال HCL لما بدأ يضرب في ال esophagus كده ،،، ال esophagus التهاب
فقصر

فإحنا هنفترض ،،

مش ال Hiatus hernia اللي عملت reflux

دا ال reflux اللي عمل ال hiatus hernia

معايير طلبة جامعة

لو ال HCL طلع في ال esophagus ، إيه اللي هيحصل في ال esophagus؟؟؟

قالولي : يحصل في ال mucosa؟؟ ولا ال submucosa؟؟ ولا ال circular muscle fibers؟؟ ولا ال Longitudinal muscle fibers؟؟ عايز إيه بالظبط؟؟ أنا قايل لطلبتني كده

ال HCL طلع ال esophagus

جه على ال mucosa << قالولي : أي esophagus ، يوقع ال epithelium ويعمل precancerous << Barret esophagus

قولتلهم : طب افرضوا ال HCL جه على ال circular muscle fibers؟؟؟

قالولي : يعمل spasm ، و stricture في ال esophagus

قولتلهم : طب افرضوا ال HCL جه على ال longitudinal muscle fibers؟؟؟

قالولي : ال esophagus يكش ويتشد لفوق

بسم الله ما شاء الله عليكم ☺

لو حد سألكم هيتقطع ☺ أنا فاهم طبعاً بري حيتان

يا عروسة ،،،

لو ال HCL جه على ال esophagus يعمل إيه؟؟؟

على ال Mucosa << Barret esophagus << precancerous

لو جه على ال circular muscle fibers << spasm و stricture

لو جه على ال longitudinal muscle fibers << تقصر

هسأل السؤال اللي جاي ،،

إيه رأيك يا دسوقي ،، ال HCL لو جه على ال Esophagus على ال mucosa ، يوقع ال epithelium بس ولا يلهب ال esophagus

كمان؟؟؟

يلهبه ،،

الواد جامد ،، قالي : يلهبه ويعوره ويوقعه

زي ما أنا كنت شارحها

أصل أنا كنت شارحها بالعربي يا أولاد ،،

شوفوا العيال بتوع الأزهر ،، يحبوا العربي حلو أوووي

تقوله : ال HCL يجي على ال Esophagus يعمل إيه؟؟؟

يقولك : يلهبه ،، ويعوره ،، ويوقعه

علطول

لكن ،، الإنجليزي

يقولك : خلينا يا ضكتور بالعربي ☺

شاطر يا دكتور ،، أنا كنت شارحها كده فعلاً في الشرح

ال HCL لما يبجي على ال Mucosa ،
يوقعها << Barret esophagus
ويلهب ال esophagus ويعمل erosion

ولو جه على ال circular muscle fiber يعمل stricture

Longitudinal muscle fibers ال لو جه على
يقصر

أنا يخصني النهاردا ال Longitudinal muscle fibers
إن الموضوع بدأ ب reflux
فال HCL جه على ال longitudinal muscle fibers
راح شادد ال esophagus
راح شادد ال stomach

ال end result في الآخر ،
إن فيه حاجة اسمها Hiatus hernia << sliding type
disturbed angle of Hiss فيها

نتيجة إن حاجة بقا زقت المعدة لفوق
ال esophagus شد المعدة
المهم إن المعدة طلعت

طيب ،
والعيان يا أولاد اللي عنده Hiatus hernia << sliding type دا
بيشتكي من إيه ؟؟؟
أعراض ال reflux

يلا يا أولاد قولولي أعراض ال reflux ، يشتيكي من إيه ؟
pain
يسموه إيه ؟؟
heart burn
حتى يا أولاد ، أنا حاططلكم صورة القلب مطلع نار

بصوا يا أولاد ،
لو العيان وطى ، regurgitation
لو نام على ظهره ، regurgitation

مين أكثر ناس تفهمني ؟؟؟
العيال اللي كانت رفيعة وتخنت
يقولك : من ساعة ما اتخنت ، وأنا بعلى المخدات تحت دماغي

معرفش أنام على مخدة واحدة
أنام على مخدتين ،
يقولك : لو نمت على مخدة واحدة أشرق
ال HCL يطلع وأشرق
فاهمين يا أولاد ؟؟؟

عارف يا عشري العيان بيشتكي من heart burn
و لو وطى ، يرجع
ولو نام على ظهره ، يرجع

إيه تاني ؟؟؟

لو كل ، الأكل يوجعه ، اسمها odynophagia
وبيكون عندهم dysphagia
قولتلكم إن فيه إلتهاب في ال esophagus ، فمش عارف يبلع كويس

يقولوا : إن عنده dysphagia و Odynophagia

من الأعراض التانية ،
Water brush ، دي أصعب كلمة ،

يعني إيه water brush يا أولاد ؟؟؟

saliva كثير

ليه ؟؟؟

ال HCL طالع

إنتوا عارفين لما واحد نفسه تغم عليه ويبقا هيرجع
تلاقي saliva ، saliva ، saliva ، saliva كده (alkaline)
ده reflex من عند ربنا
سبحان الله ، كونك إنت متعرفش إن ال HCL ده acidic
وال saliva << alkaline
دي حاجة خاصة بيك

لكن ،

أول ما ال HCL يجي يطلع كده يا أولاد
saliva, saliva, saliva, saliva

إنتوا عارفين العيان ده كل ما يعمل reflux
حاسس إن ريقه بييجري
بيقولوا عليها water brush

فيه طلبه كده يا أولاد ، وإنتوا منهم

تسألهم يعني إيه water brush ؟؟؟

تقول : يعني ألمية بترد في زوره

فيه طلبه كده يا أولاد ، موجودين ، وهما عارفين نفسهم
فاهمني يا أولاد ؟؟؟

water brush يعني إيه ؟؟؟

excessive salivation in response to reflux
excessive salivation in response to reflux

يا أولاد ،

العيان اللي عنده sliding type << Hiatus hernia

هيبقا عنده heart burn ، و regurgitation postural ، ويبقا مثلاً عنده dysphagia ، و water brush

طيب ،

هو ممكن يبقا bad chest ؟؟؟ صدره يبقا وحش ؟؟؟

أه ،

لعلكم فيه ناس تقولك كده : يا ضكتور أنا ال reflux زايد علياً أوووي

تقوله : ليه ؟؟؟

يقولك : صدري وحش ، بكح علطول

عمال يشرق ، ال HCL يا أولاد على الرئة

عمال يشرق

طيب ،

يا أولاد العيان اللي عنده reflux يبقا عنده anemia ؟؟؟

أه

ليه ؟؟؟

odynophagia مبيأكلش

وفيه حاجة تانية ؟؟؟

ال esophagus متعور ، عمال يخّر دم

يقوم يجيله anemia طبياً

طيب ،

إزاي يا أولاد أعمل investigation لوحد عنده sliding type << Hiatus hernia ؟؟

منظار ممكن

أعرف إزاي بالمنظار إنه عنده Hiatus hernia ؟؟؟

إزاي يا أولاد أعمل Upper gastrointestinal endoscopy ، أعرف إن عنده sliding type << Hiatus hernia ؟؟؟

بصوا يا أولاد ،

ألاقي ال Mucosa بتاعت ال stomach

هو أنا المفروض ألاقي ال mucosa بتاعت ال stomach بعد كام سم ؟؟؟

40 سم

فسرها لي؟؟؟

15 سم من ال incisor teeth لل crico pharyngeus

وبعدين 25 سم ال esophagus

15 + 25 = 40 سم

المفروض ألاقي ال mucosa بتاعت ال stomach بعد 40 سم

افرضوا ،،

لقيت ال mucosa بتاعت ال stomach بعد 30 سم؟؟؟

يبقا ال stomach فوق

طيب وهنعرفها إزاي؟؟

ال rugae

ال Mucosa بتاعت ال stomach حمرا وفيها rugae

يمكن نعمل barium meal in Trendelenburg position

تلاقي ال stomach طالعة فوق

بصوا يا أولاد على الرسمه اللي عندكم ،،

أشرب العيان باريوم in Trendelenburg position

واحد بيقول للدكتور المطري : هو ينفع نعمل barium مع عيان عنده bleeding في ال esophagus

هو العيان ده جاي ب active bleeding !!!

يعني ال reflux دا ساعات يبقا عنده bleeding ،، ساعات

يعني حتى قالك : عيان ال reflux دا بيجي عمال يجيب دم من فوق ومن تحت

بنعمل barium meal in Trendelenburg position

وبعمل منظار

أحلى investigation يا أولاد ،، ومحدث ينساها ،،

24 hour ambulatory PH monitoring

حلوة أووووي يا أولاد

أنا شايف الدكتور شاطرة ،، راحت كاتبه عليها حلوة قوووووووي ☺

بصرحة ،، نكتب تحتها كمان

جميلة قوووووووووي ☺

فعلاً يا أولاد investigation حلو وجميل

24 hour ambulatory PH monitoring

قولتلكم : يبقا فيه معمل صغير كده بكابل ،، وبعدين نشربه بكبسولة المضاد الحيوي

وأمسك الكابل في إيدي أنا ،، وأشربه مية

يقوم المعمل ينزل هنا ،،

أجي هنا وأثبتته ببلاستر

أنا ثبتته ليه يا أولاد؟؟؟

عشان ال Peristalsis متأخدوش تحت

وبعدين أوصل الكابل (fiber optic) ، أوصله بكمبيوتر صغير أد الموبايل كده
وأقول للعيان مارس حياتك عادي بقا ، كُل وأشرب
هو كل ما ال stomach تبعت reflux
المعمل يستقبلها ويحللها ويخزن في الكمبيوتر

طيب ،

بعد أربعة وعشرين ساعة ، العيان يجي

وأشد الكابل ،

لما أشد الكابل يطلع إيه؟؟؟

المعمل ☺

شد بقا الكمبيوتر ، شيله ، وطلع ال memory بتاعته

وحطه في الكمبيوتر بتاعك

وألعب معاه بقا

يا كمبيوتر : ارسم لي ال changes في ال PH على مدار ال 24 ساعة الي فاتوا

يقوم راسمهالك

حاجة اسمها 24 hour PH monitoring

هايل ، بس للأسف مش موجود في مصر

يعني

- ممكن نعمل endoscopy
- ممكن نعمل barium in Trendeleburg position
- ممكن 24 hour PH monitoring

ممكن Manometry

يقولك : إن ال sphincter باظ خلاص

Manometry يقولك ال high pressure zone << lost

ال sphincter باظت

أنا يهمني حاجة كده يا أولاد ،

إزاي تعالج ال Hiatus hernia << sliding type ؟؟

هو السؤال ده يعني إيه بالإنجليزي؟؟؟

يعني إزاي تعالج ال reflux

Medical

طبيب ، أنت ليه بدأت medical ؟؟؟ ما نعمل surgery ؟؟؟

زميلكم حافظ كلام لذيذ أوووي ،

تحس إنه شبيح ،

بقوله : إزاي تعالج sliding type << hiatus hernia ؟؟ يعني إزاي تعالج reflux ؟؟

قالي : medical

قولته : ليه مش surgical ؟؟؟

قالي : ما هو علاج reflux ال medical << Peptic ulcer علاج ال

فاكرين يا أولاد ،

أنا قولتلكم العمليات نتائجها وحشة

وبنستبدل مجموعة من الأعراض بمجموعة ثانية من الأعراض

ولأن العمليات نتائجها وحشة ،

إذاً يصبح ال main line of treatment إيه ؟؟؟

medical treatment

مش فتونة هي ،

بس لو الجراحين وصلوا لعملية حلوة ، مش هندي العيان medical treatment

هنفتحه ، واضحة ☺

بس up till now ، لغاية دلوقتي ، العمليات الي موجودة عندنا نتائجها وحشة

وبنستبدل مجموعة من الأعراض بمجموعة ثانية من الأعراض

طبيب ،

هو ال Medical treatment زي إيه ؟؟؟

peptic ulcer زي ال

يعني نعمل إيه يا أولاد ؟؟؟

change life style

العيان دا يا أولاد يأكل 3 مرات زينا ؟؟؟

لا

أومال يأكل كام مرة ؟؟

خمس ، ست مرات

أكل مسلوق ، مفيش شطة

مفيش قهوة ، مفيش كولا ، مفيش سجائر ، ولا خمر ولا ميسر ولا وأد بنات

يعني حاجات الجاهلية الأولى ممنوعة

فاهمني يا أولاد ؟؟؟

إنتوا عارفين يا أولاد ، العيان أسأله كده

بتشتغل إيه ؟؟؟

يقولي : طالب في البكالوريوس ☺

يقول: حوالي 12 ساعة في اليوم ☹

[illegible]

antacids ندىله

وأحسن دواء يأخذه عيان ال reflux ،، ال Omeprazole
Omeprazole ،، و بيرمبيران

بالمناسبة بقا ،، لأن أنا لقيت ناس زميلكم معرفوش الحكاية دي
هو البيرمبيران يا أولاد بيزود ال tone بتاع ال cardia ،، يقلل ال reflux
و يحسن ال emptying of the stomach
فيمنع ال vomiting كده

يحسن ال tone بتاع ال cardia
ويحسن ال emptying of the stomach

بالمناسبة بقا ،،
أخطر عيوب البيرمبيران إيه؟؟؟
extra pyramidal manifestations

أنا لقيت طالب زميلكم يا أولاد بيكلمني في التلفون
إن والده كان بيأخذ دواء من الأدوية الي هي بتاعت psychiatric
وأدوية ال psychiatric بتاعت ال depression
ليها anticholinergic و extra pyramidal

وبعدين رجع ،،
فراحوا مدينه حقنة برمبران ،، مع الدواء
بدأ يحصل twitches وبتاع
هو مستغرب أووووي
قعد يبص كده ،، والده مش قادر يعالجه ،، عشان مش حافظ إن البيرمبيران ليه extra pyramidal manifestations

يعني ،،
لما قولتله : أنا بتاع جراحة ،، وإحتمال يكون من حقنة البيرمبيران
قالي : لا ،، هو خد قبل كده حقن بيرمبيران

أيوة ،،
بس مخدوش مع نفس الدواء ده ،، في نفس الوقت
فاهمني يا أولاد

دا ليه ال extra pyramidal ،، ودا ليه ال extra pyramidal manifestations
فبدأ العيان يرتعش ،، فاهمني يا أولاد ؟؟
واضحة ولا لا ؟؟

كوبس بردو يا أولاد ،، إن الطالب بيقا شاطر ،، دكتور شاطر
عارف البيرمبيران ،، وعارف البيرمبيران ليه extra pyramidal manifestation

وعارف ال Omeprazole عيبه إيه ؟؟؟

ولا قطعوني بال omeperazole ☺

جدع ،، بيعمل cancer في الفئران ،، لسه مش Proved في ال Human
ويممكن يعمل atrophic gastritis

هو عيان ال reflux يا أولاد يأخذ الدواء لمدة أد إيه ؟؟؟

6 شهور

إنت يا ولا ☺ عيان ال reflux يأخذ الدواء لمدة أد إيه ؟؟؟

6 شهور

لمدة أد إيه ؟؟؟

6 شهور

إفرض خف ؟؟؟

أزغرت ☺ ،،

إفرض مخفش ؟؟؟

أصوت ☹

صَوْت << indication for surgery

يقولك :

failure of medical treatment << indication for surgery ال

أو complication

ال indication for surgery

• failure of medical treatment

• أو complications

يعني حصله ulcer ،، hemorrhage ،، stricture ،، malignancy

مين فاكر يا أولاد العملية ؟؟

Fundoplication

كنا بنمسك ال fundus of the stomach يا أولاد ،، ونلفه كام درجة ؟؟؟

يا إما 360° ،، يا إما 270°

مين اللي لف ال fundus << 360° ؟؟؟

Nissen

ومين اللي لف ال fundus << 270° ؟؟؟

واحد تاني مش عارف أسمعه ☹ دورت في بيبي على الإسم ده

المهم ده اللي طلع معايا

whether performed posteriorly (Toupet)

or anteriorly (Dor, Watson),

بص يا أولاد ،،

إنتوا متحفظوا عمليتين في ال reflux :

- Nissen
- والثاني الي مش عارف أسمع إسمه وقولته من بيلى

عايزكم تحفظوا عنهم إن Nissen من البطن
والثاني من ال chest
أدي أول حاجة

نيسين من البطن
والثاني من ال chest

طيب ،
بصوا يا أولاد ، Nissen بنلف ال fundus ، 360 درجة
الثاني ، بيلف ال fundus < 270 درجة

تالت حاجة ،
مين الي أمتن ، ويمنع ال reflux فعلاً ؟؟؟

Nissen

عيبه ؟؟؟

لما بلف ال fundus ، 360 درجة أوووي كده على ال esophagus
البيان بجيله حاجة اسمها و gas bloat syndrome ، ميعرفش يبلع
ما الإنسان يا أولاد لو معرفش يبلع ، يحاول ينزل اللقمة بالعافية إزاي ؟؟؟
إنت لو زورت ، بتبلع إيه مع اللقمة ؟؟
مية وهواء

بعد لقمتين تلاتة ، تلاقي معدته مليانة هواء
نفسه يتكرع ،

ولا عارف يبلع ، ولا عارف يتكرع ☹

لأن Nissen يا أولاد مسك ال fundus وراح قارطه على ال esophagus
غير الثاني ، كان راجل خُنفس ، لف ال fundus < 270 درجة بس
عشان بعد كده بقوا يعملوا حاجة اسمها modified Nissen ، أو فلوبي Nissen
يلفوها كمان 270 درجة هما كمان
to avoid السيندروم بتاع ال gas bloat syndrome الي مش عارف يبلع

هو مين الي أخطر يا أولاد ،
ال reflux ولا ال gas bloat syndrome ؟؟؟
ال gas bloat syndrome أخطر

أنا معايا طلبة تعرف يعني إيه Hiatus hernia < sliding type
أهم كلمة في ال hiatus hernia ال sliding type
إيه الي باظ ؟؟؟

angle of Hiss ال

يا ال stomach اتزقت فوق ، يا ال esophagus قصر

إيه الي يزق ال esophagus فوق ؟؟؟

pregnancy ال

obesity ال

الكورسيه

قصروا ال esophagus ؟؟؟

reflux

طيب ،

العيان الي عنده sliding type << hiatus hernia ، بيشتكى من إيه ؟؟؟

heart burn

regurgitation

dysphagia

water brush

طيب ،

العيان الي عنده sliding type << Hiatus hernia ، إيه ال Investigations الي تعملها ؟؟؟

منظار

barium meal in Trendelenburg position

أحسنهم 24 Hour PH monitoring

طيب ،

لو عرفت إن حد عنده sliding type << hiatus hernia ، أعالجه إزاي ؟؟ إيه ال main line of treatment ؟؟؟

medical treatment

peptic ulcer ال زي

نغيرله ال life style

ونديله Omeprazole وبيرميران

طيب ،

أديله medical treatment لمدة أد إيه ؟؟؟

6 شهور

إيه ال indication for surgery ؟؟؟

failure of medical treatment

أو complications

نعمله :

يا Nissen fundoplication

يا حاجة تانية الي نقلتها من بيلى ويا رب تكون المقصودة في كلام الدكتور المطري

التانية بتتعمل منين ???

chest ال

Nissen و بتتعمل منين ???

من ال abdomen

التاني ، بيلف ال fundus أد إيه ???

270 درجة

Nissen بيلف ال fundus أد إيه ???

360 درجة

مين اللي بيعمل ال gas bloat syndrome ???

Nissen

لكن ، التانية ميزتها ، إن مفيهاش ال gas bloat syndrome ده

إتغلبوا على Nissen ،

عيب ال Nissen إنه بيعمل gas bloat syndrome

إنهم بقوا يلفوا 270 درجة هما كمان

وسموها Modified Nissen ، أو فلووي Nissen

طبعاً يا أولاد ، لو حد جاله Hiatus hernia في الإمتحان written

جاوب ، دا حاجة جميلة أوووي

دا طالب شاطر ، عشان ده من الموضوعات الجامدة يا أولاد

Reflux Esophagitis (GERD)

إيه رأيك يا ولا ، قولي سبب مهم لل reflux ???

Hiatus hernia

بأمانة إيه ???

لسه واخدينها

طيب ،

لو ال HCL جه على ال esophagus ، يعمل إيه في ال esophagus ???

يحمرة ، ويعوره ، ويوقعه

دي أنهى طبقة ؟؟

mucosa

الي عنده reflux يا أولاد ممكن يجيله bad chest وأنيما

طيب ،

إيه تاني يعمل reflux يا أولاد غير ال Hiatus hernia ؟؟ عايزين أسباب تانية غير ال hiatus تعمل reflux ؟؟

ال smoking يا أولاد ،

عارفين العيال زمايلكم يا أولاد اللي بيبقوا واقفين بره ، عمالين يدخنوا دول

العيال اللي بتدخن دي يجيلهم إيه ???

reflux

ويجيلهم إيه ثاني ???

cancer stomach

cancer bladder و

و ال cancer الكبير قوي اللي فوق الوش ،، اللي هو مين ؟؟؟؟

bronchogenic carcinoma

إيه يا أولاد ؟؟؟!!!! ☺

ال bronchogenic carcinoma يا أولاد

أهم حاجة ،، في السجائر

لكن نأخذ بالناس من حاجة يا أولاد ،، إن ال smoking بيعمل reflux

تخليوا بقا ،،

حد بيدخن وخمورجي ،، دا reflux جامد

بيدخن وخمورجي

الأتنين ،،

دا reflux جامد أوووي

يقولك : Hiatus hernia << sliding type

smoking

الكحول

obesity

إزاي ال obesity يا أولاد بتعمل reflux ???

ما هي بتعمل Hiatus hernia

pregnancy

ليه ال pregnancy بيعمل reflux ???

ما هو بيعمل hiatus hernia

فاهمين يا أولاد ???

الأطفال الصغرين ،، عندهم Physiological reflux

اللي أنا كنت بحفظه إزاي ???

العيال الصغير بيعمل إيه لما بيرضع ؟؟

بيقشط

شوفوا الواد زميلكم اللي قاعد في المحاضرة ،، وسمع المثل علطول

بيقشط وبيكبر

كمل المثل ،، بيرجع ويصغر ،، دا pyloric obstruction (ال CHPS)

المثل بيقولك يا أولاد :

إحنا نقبله لغاية 8 شهور
هو المفروض إحصائياً ، معظم العيال تبطل تقشط عند 6 شهور
لو العيل عدى عليه أكثر من 8 شهور وييقشط ، لا ، فيه حاجة مش طبيعية
فيه حاجة مش طبيعية في الواد ده

دا يا أولاد ال reflux اللي بيقلوا عليه simple reflux
يقولوا عليه simple reflux

هتجواب في ال reflux يا أولاد حاجات أنا حاططها هتمنع ال reflux
اكتبوا عليها M.C.Q. أنا تومي

يا أولاد ال angle of Hiss تمنع ال reflux ???
أه

ال angle of Hiss بتمنع ال reflux

بصوا يا أولاد ،
هنركز ، دلوقتي ال angle of Hiss بتمنع ال reflux
طيب ، هو ال Intra abdominal esophagus بيمنع ال reflux ???
أه

إنتوا عارفين وجود الحنة دي بيبقا compressed بال High pressure بتاع ال abdomen
غير ال chest
ال chest << negativity

عشري ،
واخد بالك إن ال Intra abdominal فيه pressure عالي
لكن ،
ال Chest << negativity

لعلمكم ،
الأطفال الصغرين بيبقا عندهم reflux ، عشان طول ال intra abdominal esophagus قصير

يقولك :
من ضمن الحاجات اللي تمنع ال reflux بردو ، فتحة ال esophagus في ال diaphragm

هيثم ،
فتحة ال esophagus في ال diaphragm إسمها إيه ???
برافو عليك 😊 hiatus
شاطر يا هيثم

فتحة ال esophagus في ال diaphragm يا أولاد اللي هي ال hiatus
يقولك : ال hiatus كل ما ال diaphragm ينقبض ، ال Hiatus تقفش على ال esophagus

يقولك : بتعمل pinchcock effect

يعني إيه pinchcock effect ؟؟؟
العصارة

ال pinchcock < العصارة

لو عايز تشبّطها ، اكتب الكسارة ☺

لقيت الكسارة مش شغالة ، والعصارة مش شغالة ، اكتب كده بقا بالعربي ويقوم الحجاب الحاجز بعصر ال Esophagus
يقوم يمنع ال reflux (إموشن برنس)
باينة سهلة سهلة سهلة

يعني ال angle of Hiss

ال intra abdominal esophagus ، ال Hiatus

يقولك : لو قطعنا في ال lower end of the esophagus ، تلاقي ال Mucosa بتاعت ال esophagus
عاملة rosette shaped

يقولك : ال rosette ده بيمنع ال reflux

بصوا يا أولاد ،

لو قطعت في ال lower end of the esophagus

ألاقي rosette shaped ،

ال rosette ده بيمنع ال reflux

طبعاً ، ال factors اللي Preventing ال reflux ، حفظ صم

عشان ال M.C.Q. بتاع ال anatomy

هتيجي all of the following except

حفظ صم عشان ال M.C.Q. بتاع ال أناتومي

هو العيان اللي عنده reflux esophagitis بيشتكى من إيه ؟؟

heart burn

وإيه تاني ؟؟؟

regurgitation

وإيه تاني ؟؟

و dysphagia و water brush

إيه أحلى investigation لل reflux ؟؟؟

24 hour PH monitoring

وممكن نعمل منظار ، أو barium meal in Trendelenburg

وعلاجه medical

وممكن لو فيه failure of medical treatment

نستخدم ال Nissen أو الثاني

نتكلم بعد كده على ال Plummer Vinson Syndrome

Plummer Vinson Syndrome

اكتبوا عليها حالة ،،

ال Plummer Vinson syndrome دي يا أولاد اكتبوا عليها حالة

تيجي لينا حالة إزاي؟؟؟

واحدة عندها 40 سنة ،، عندها dysphagia

أنا ليا مزاج أقول cancer

يعني واحدة عندها أربعين سنة ،، عندها dysphagia

أنا ليا مزاج أحط ال cancer

والله هو أنت هتقول cancer ليه؟؟؟

أصل ال cancer << male old age

ال plummer

بص على ال time ،، هتلاقيها بقالها وقت طويل

ست عندها dysphagia بقالها سنتين ثلاثة

هو بالمناسبة هو إيه اللي عاملها dysphagia؟؟؟

ال atrophy في ال epithelial lining بتاع ال Pharynx وال esophagus

هو دا اللي عاملها dysphagia

ال atrophy في ال epithelial lining بتاع ال pharynx وال esophagus

هو دا اللي عامل ال dysphagia

وإيه يعني يا أولاد لما ال epithelial lining يكون فيه atrophy؟؟؟

إنتوا عارفين يا أولاد ،، الواحد لما بياكل لقمة ناشفة

مين اللي بيقوم بترطيب الطعام؟؟

اللعاب

ليه ربنا خلق لنا في بؤنا squamous ،، ما ال esophagus معظمه squamous؟؟؟

عشان يتحمل ال friction

الأكل يا أولاد بيبقا لسه ناشف

عشان كده لو فيه أكل ،، ومفيش epithelial lining

تلاقي الأكل بيوجع وهو نازل

بيعمل dysphagia و odynophagia

فاهمين يا أولاد؟؟

يقوم الست يجيلها dysphagia

عشان عندها atrophy في ال epithelial lining

هو أنا لو جيت على الواد ده وقرصته ،، هيعمل إيه ؟؟؟

هيشد إيدته

دا reflex بديهي

لما ال esophagus هو وال pharynx بيوجع

بيعمل spasm

فلما يعمل spasm ،، بيكرمش

هو دا اللي إنتوا حافظينه

تحت عنوان مش سامعه للأسف ☹️

هو ال Pharynx فيه العنوان اللي مش سامعه

عشان فيه atrophy في ال epithelial lining

وال atrophy في ال epithelial lining بيعمل pain during البلع

يقوم يحصل spasm في ال pharynx وال esophagus

فيعمل الحاجة اللي مش عارف أسمعها ☹️

طيب نتاج ال dysphagia دي إيه ؟؟؟؟

iron deficiency anemia with hypo vitaminosis

نتاج ال dysphagia دي

iron deficiency anemia and hypovitaminosis

فالسست دي يجيلها spooning of nails

فاهمين يا أولاد ؟؟

ويجيلها angular stomatitis

و splenomegaly

أعراض iron deficiency anemia و hypo vitaminosis

علاجها ؟؟؟

تيجي على ال Pharynx وتوسعه

وتيجي على ال iron deficiency anemia وتديها packed RBCs

يعني تضرب المشكلتين اللي عندها

توسعها ال pharynx

وتعالج ال iron deficiency anemia

عييها pre cancerous

ال Plummer vinson syndrome

highly pre cancerous

يعمل cancer esophagus أو Post cricoid carcinoma

يعمل cancer esophagus أو post cricoid carcinoma

ندخل بعد كده على ال Esophageal carcinoma

Esophageal Carcinoma

ال predisposing factors

نخلي بالناس يا أولاد من الحنة دي

عندك M.C.Q.

ال Predisposing factors لل cancer esophagus مش كلها نفس القوة

ال predisposing factor لل cancer esophagus يا أولاد

مش كلها نفس القوة

يعني مثلاً أقل حاجة تعمل cancer esophagus

ال post corrosive stricture

أقل حاجة تعمل cancer esophagus في ال Predisposing factors دي يا أولاد

ال Post corrosive stricture

يعني أنا ممكن أجيب لك سؤال M.C.Q.

all of the following are pre cancerous except

• Barret esophagus

• Tylosis type A

(A.D. characterized by hyperkeratosis of palm and sole, 100 % esophagus carcinoma at age of 40 years)

• plummer vinson syndrome

• post corrosive stricture

اختار except إيه؟؟؟

post corrosive stricture

رغم إنها ممكن تجيب cancer ، بس بنسبة قليلة أوووي

بس نسبتها أقل حاجة

ممكن طبعاً من ال predisposing factors

benign tumors في ال esophagus

• يكون فوق papilloma

• وتحت adenoma

ال benign tumors في ال esophagus فوق يا أولاد << papilloma

عشان squamous epithelium

تحت adenoma ، عشان columnar epithelium

الpathology

macroscopically << cancer esophagus ال

- ulcer •
- caluiflower •
- infiltrating •

خلي بالك يا أولاد ،،

ال Incidence بتاعه

في كل 1/3 أد إيه ؟؟ عشان دي هي ال M.C.Q.

macroscopically << cancer esophagus ال

ulcer, cauliflower, infiltrating

microscopically

squamous cell carcinoma هو

ليه يا أولاد squamous cell carcinoma ؟؟؟

عشان ال squamous << lining epithelium

طيب ،،

تحت ؟؟

adeno carcinoma

عشان ال columnar epithelium << lining epithelium

squamous cell carcinoma يعني فوق

columnar cell carcinoma وتحت

هو لو columnar cell carcinoma فرزت mucin يسموها إيه ؟؟؟

colloid variety

ولو Undifferentiated يسموها إيه ؟؟؟

anaplastic

لما نيجي نتكلم على ال spread يا أولاد

direct, blood, lymph and transcoelomic

هو أنا لو جيت أتكلم على ال spread

direct, blood, lymph and transcoelomic

أنا محفظكم كلكم على ال transcoelomic كلمتين ،، اللي هما إيه ؟؟؟

- Krukenburg's tumor •
- Plummer's shelf nodules •

طبيب ، هو ال Lymph spread بتاع ال esophagus بيروح فين ؟؟؟

خلي بالكم إن ال esophagus طويل

- في ال neck يروح cervical
- في ال chest يروح mediastinum
- في ال abdomen يروح celiac lymph nodes

ال esophagus يا أولاد ، طويل ،

في ال Neck يروح لل cervical lymph nodes
في ال chest يروح mediastinum lymph nodes
في ال abdomen يروح celiac lymph nodes

هو ليه يا أولاد في ال abdomen يروح celiac lymph nodes ؟؟؟

الحنطة اللي تحت foregut

ال blood spread يا أولاد ؟؟؟

بَلْبَل : اللي هو

- blood
- lung
- bone
- liver

هو ال esophagus ده Portal ولا systemic ؟؟؟

porto-systemic

يعني الحنطة اللي فوق تودي ال lung الأول
والحنطة اللي تحت من ال esophagus تودي ال liver الأول

لأن ال esophagus الحنطة اللي فوق systemic
فتودي ال lung الأول

الحنطة اللي تحت في ال esophagus << Portal
فتودي ال liver الأول

ال direct spread ؟؟؟

طبعاً ال esophagus بياخذ حاجات كتير أوووي
أشهر حاجة في ال direct spread << ال neck
المقطع اللي في ال neck

بتهيألي دلوقتي يا أولاد ، بعد ال surgical anatomy اللي أخذتوه في الكلية

ومع ال surgical anatomy اللي أخذناه مع بعض

وال surgical anatomy اللي هنا أخذه مع بعض

لو إنت معرفتش رقبة الإنسان ، متخفش ، اسقط بقا براحتك ☺

لو خدت cross section في ال neck كده

تحط 3 دوائر

إيه الثلاثة دول ؟؟؟

- ال trachea
- ال esophagus
- ال vertebrae

بين ال trachea وال esophagus بنحط كده حاجة ؟؟؟

recurrent laryngeal nerve

وبعدين نحط Lobe من ال thyroid و lobe من ال thyroid

وبعدين أقوم جاي ورا ال lobe of thyroid وأحط ال carotid sheath

(ال carotid artery ،، وال internal jugular vein ،، وال vagus)

وفيه عيال جامدة بقا ،،

تقولك : ال sympathetic chain بتبقا لازقة على ال carotid sheath من ورا

وال ansa cervicalis دي بتبقا على ال carotid sheath من أدام

فيه عيال يا أولاد عارفة ،، حاجة تفرح يعني لما تلاقي أربعة خمسة عارفين الكلام ده

وتلاقي الباقيين قاعدين باصيين ☺ كده ويقولك : يا سلاااام هي دي رقبة الإنسان (إيموشن مسيهل)

هي ال 3 دوائر إيه يا أولاد ؟؟؟

- trachea
- esophagus
- vertabrea

وبعدين ال recurrent laryngeal بين ال trachea وال esophagus

وبعدين فيه Lobes من ال thyroid

وبعدين نحط carotid sheath وراها ،، فيها ال carotid artery و ال internal jugular vein وال vagus nerve

وبعدين ال sympathetic chain ورا

وال ansa cervicalis أدام

ال direct spread

هيكون على الكلام الي فاتت دا

كل ال trachea يعني شغال

كل ال recurrent laryngeal nerve شغال

كل ال thyroid شغال

ال carotid sheath ماشي

يعني once إنت حافظ مقطع الرقبة

خلاص بقا ،، محدش يقدر يتكلم معاك

طيب ،،

ال cancer esophagus في ال chest يا أولاد يعمل إيه ؟؟؟

هو ال esophagus في ال chest أدامه إيه ؟؟؟

أنبوبة كده بتدخل هواء ؟؟؟

trachea

برافوا عليكم ☺ بتدخل هوا

عيب ال trachea إيه ؟؟؟

.....

نحط إيه أدام ال esophagus ؟؟؟

القلب ☺

مجرد ما ال trachea تتفرع ،، نلاقي تحت ال trachea القلب

طيب ،،

على جناب ال esophagus في ال chest

حاجة مثلثة فيها هواء ؟؟؟

Lung

برافوا عليكم ☺ ،، إنتوا بردو بشوية مساعدات بسيطة كده ،، بتحلوا كويس

يبقا cancer esophagus يا أولاد لو طلع في ال chest على الأجانب يأكل ال lung

أدام يأكل ال trachea وال heart

يأكل القلب ؟؟؟

أه ،، ال cancer esophagus مرض خطير

الدقيقة 28 بعد ساعة

لمزيد من المواد المفردة
على الفيس بوك
صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله
إذا عجبك أي شيء متفرغ تابع لصفحة أو جروب
تفريغ المواد الطبية
وحبيت حضرتك تنقله اتفضل
بذكر المصدر أو بدون
المهم إن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام
ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم
اللهم آمين
سلام بقا ☺